



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XLVII. Impugnacione castris & Civitatis Elbingensis.

urn:nbn:de:hbz:466:1-11850

CAP. XLVI.

De

Ædificatione Castri Poldenberg.

FRater Poppo Magister considerans dicti Ducis astutiam in hoc, quod castris se undique firmaret, præcavens periculis in futurum, in monte sito inter Civitatem nunc Colmensem & antiquum castrum, ædificavit castrum quod à nomine montis Potterberg nuncupavit, locans ibi XII. fratres, cum (a) multis armigeris. Hæc ædificatio facta fuit, ne Svantepoleus dictum montem ædificiis occuparet, & factus fuisset error novissimus pejor priore.

ANIMADVERSIO.

(a) Quadraginta milites fuisse impositos, scribit Auctor Chronici antiqui Germanico idiomate scripti in 4.

CAP. XLVII.

De

*Impugnatione castri & Civitatis
Elbingensis.*

SVantepoleus Dux Pomeraniæ intelligens absentiam Fratrum & civium de Elbingo congregato magno exercitu ad impugnandum castrum & Civitatem ibidem processit, quo viso mulieres deposito ornatu muliebri, mentem virum induerunt & femur cingentes gladio moenia ascenderunt, tam viriliter se ad defensionem disponentes, quod nusquam ibi sexus fragilitas apparebat. Unde Dux æstimans exercitum Fratrum & civium reversum, cum verecundia recessit. Nec credas hoc solum
 hic

Conradus Landgr. Thur. V. Mag. General. Ord. Teut.
 Poppo de Ostera II. Magister Provincialis in Prussia.

hic factum, sed pluries in (b) aliis locis ubi in absentia virorum munitiones fuissent periclitatae, si non restitisset audacia mulierum.

ANIMADVERSIONES.

AD CAP. XLVII.

(a) Referunt hoc Historici nostri ad An. 1244.

(b) Ob similem foeminarum Culmensium virtutem, Privilegium illud Culmense foeminis in familia herciscunda favorabile datum esse perhibetur. Quamvis autem hujus rei in antiqvis Scriptoribus firmum non reperiam fundamentum, confusè tamen hoc ipsum Dusburgensis hoc loco innuere videtur.

CAP. XLVIII.

De

Quodam milite Swantepolci.

Fuit quidam miles de familia Svantepolci, qui fratres Domus Teutonicæ adeò formidabat, quod viscera ejus contremuerent, dum audiret eorum nomina recitari. Undè accidit hoc tempore, quod idem Dux causa solatii secessit ad quendam villam, & ad majorem gaudii exercitationem vocavit quosdam alios milites ad se & ait: Mittamus unum famulum ad campos, qui post primum ferculum festinus revertatur & referat fratres cum exercitu advenire, & videamus quomodo iste miles timidus se disponat, quod cum eis multum placeret, missus fuit nuncius ad hujusmodi negotium peragendum. Fratres quibus hoc proditum fuit, cum venissent non longe à dicta villa, nuncius jam exierat, & videns fratres cum armigeris venientes, stupefactus & præ nimio timore pallidus effectus, cum planctu magno & extracto gladio reversus ad Svantepolcum, ait: Citò

T 3

sur-